

SEGNİ DEL GIUBILEO

Giubileo della famiglia carismatica orionina

Porta Santa - Porta e Shenjte



Nga pikëpamja simbolike, Dera e Shenjtë është shenja më karakteristike, sepse qëllimi është të mund ta kalosh atë. Hapja e saj nga Papa përbën fillimin zyrtar të Vitit të Shenjtë. Fillimisht, ka pasur një portë të vetme, pranë Bazilikës së Shën Gjon Lateranit, e cila është katedralja e ipeshkvit të Romës. Duke kaluar këtë prag, pelegrini kujton tekstin e kapitullit 10 të Ungjillit sipas Gjonit:

"Unë jam dera, nëse dikush hyn nëpërmjet meje, do të shpëtohet; do të hyjë e do të dalë dhe do të gjejë kullotë". Gjesti shpreh vendimin për të ndjekur dhe për të lënë veten të udhëhiqet nga Jezusi, i cili është Bariu i Mirë.

Për komunitetin e krishterë nuk është vetëm hapësira e së shenjtës, së cilës duhet t'i afrohet me respekt, por është një shenjë bashkimi që lidh çdo besimtar me Krishtin: është vendi i takimit dhe i dialogut, i pajtimit dhe i paqes që pret vizitën e çdo pelegrini, hapësira e Kishës si bashkësi besimtarësh.

"Ne duhet të rilidhim gjithçka me Jezu Krishtin. Unë jam rruga, e vërteta dhe jeta - fjalë të mrekullueshme që nuk mund të kuptohen kurrë sa duhet; provë sublime e hyjnisë së Jezu Krishtit. Asnjë njeri nuk ka guxuar të flasë kështu. Jezusi kaq i përlurur, kaq i thjeshtë, bën një deklaratë kaq të qartë të dinjitetit dhe madhësisë së tij! Çfarë kontrasti i mrekullueshëm! Nuk do të mund të bëjmë gjë tjetër veçse të biem në këmbët e tij dhe të thërrasim me Shën Pjetrin: ti je Krishti, Biri i Hyjit të gjallë, ti je e vetmja rrugë që të çon drejt lumturisë së vërtetë, drejt paqes, e vetmja rrugë që të çon tek Ati. Ne duhet të dëshirojmë që e gjithë bota të njohë tek Ai rrugën, të vërtetën dhe jetën" (Don Orione).

Dera e Shenjtë është shenja më karakteristike e Vitit Jubilar, sepse synimi është kalimi i saj me besim.

Na jep hirin të udhëzohemi, me besim e bindje, nga ti o Zot, bariu ynë i mirë, që me gjestin e kapërcimit të Derës së Shenjtë të Bazilikës, të hyjmë e të jetojmë në bashkësi besimi e dashurie me Ty dhe me të gjithë vëllezërit e motrat tona, pa dallim, si një familje e vetme.

Shpirti i Shenjtë zgjoftë tek ne, shpresën e bekuar për ta dëshmuar atë në botë.

Ta kërkojmë këtë nëpër Birin tënd Jezu Krisht, i cili është dera që na çon në shpëtimin e përjetshëm. Amen.

